

ILUARSIISSUT

**Ataatsimiititaliap ilassutitut isumaliutissiissutaa 26. november 2020-meersoq
taarserpaa.**

**(Ikinnerussuteqarluni oqaaseqaammik ilanngussineq kiisalu ilassutitut
isumaliutissiissutip danskisuuani kapitali 3, 4 5-imilu ataatsimiititaliap
inassuteqaataasa ilaannik iluarsineq)**

2021-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerpeqarneranut

ILASSUTITUT ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini kingul-
lermik ilaasortarai:

Inatsisartunut ilaasortaq Hermand Berthelsen, Siumut, siulittaasoq
Inatsisartunut ilaasortaq Múte Bourup Egede, Inuit Ataqtigiit, siulittaasup tullia
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Mala Høy Kúko, Siumut
Inatsisartunut ilaasortaq Peter Olsen, Inuit Ataqtigiit
Inatsisartunut ilaasortaq Aleqa Hammond, Nunatta Qitornai
Inatsisartunut ilaasortaq Jens Napaattooq, Partii Naleraq

Imarisai:

1. Aallaqqaasiut.....	3
2. Aningaasaqarnermut Akileraartarnermullu Ataatsimiititaliap apeqquatai/oqaaseqaatai aalajangersimasut – suliassa qarfinnut agguataarlugit	7
3. Aningaasaliissutitut allannguutissatut siunnersuutit	7
3.1. Sammisag 8 – Teknikikkut allannguutit, pingajussaaneerinnineq	8
3.2. Sammisag 9 – Pingajussaaneerinninnissamut missingersuutitut sunniuteqanngitsumik allannguutit.....	8
3.3. Sammisag 10 – Isertitassatut missingikkat nutaat aammalu inatsisitigit pisussaaffigalugit aningaasartuutissatut missingikkat nutaat, pingajussaaneerinnineq	9
3.4 Sammisag 11 – Ilaasunik angallassinermi kiffartuussinissamik isumaqatigiissutit.....	10
3.5 Sammisag 12 – Erninermit atatillugu aningaasaateqarfik.....	11
3.6 Sammisag 13 – Aningaasartuutaanerusut, pingajussaaneerinnineq.....	12
3.7 Sammisag 14 – oqartussaaffinik allannguineq, pingajussaaneerinnineq	13
3.8 Sammisag 15 – Kontu pingaarnerup 20.11.51-ip, Aaqqissuusseqqinnerit sunniutaannut tunngasup atuutsinneqalernera	13
3.9 Sammisag 16 – Aningaasanut inatsit pillugu isumaqatigiissut	14
4. Oqaasertaliussanut allannguutissatut siunnersuutit.....	14
4.1. Naalakkersuisut oqaasertaliussanut allannguutissatut siunnersuutaat.....	14
5. Aningaasaqarnermut Ataatsimiititaliap inassuteqaatai	17

Ilanngussanut takussutissiaq:

- M 2021-mi aningaasanut inatsisissatut siunnersuummut ataatsimiititaliap ilassutitut apeqquatai
- N Ataatsimiititaliap ilassutitut apeqquataanut Naalakkersuisut 18. november 2020-mi akissutaat, tak. ilanngussaq M.
- O Siunnersuutip pingajussaaneerineqarnissanut Naalakkersuisut aningaasaliissutitut allannguutissatut siunnersuutaat 24. november 2020-imeersut. (Allannguutissatut siunnersuutit nr. 63-144).
- P Siunnersuutip pingajussaaneerineqarnissanut Naalakkersuisut oqaasertaliussanut allannguutissatut siunnersuutaat 24. november 2020-imeersut. (Allannguutissatut siunnersuutit nr. 145-172).
- Q 2021-mi aningaasanut inatsisissatut siunnersuut pillugu Naalakkersuisunut apeqquutit nukinginnartut
- R Ataatsimiititaliap nukinginnartumik apeqquataanut Naalakkersuisut ulloq taanna 25. november akissutaat, tak. ilanngussaq Q.

1. Aallaqqaasiut

Aningaasanut inatsisissatut siunnersuutip Naalakkersuisullu allannguutissatut siunnersuutaasa kiisalu ataatsimiititaliap apeqqutaanut akissutit suliarineqarnissaannut naammattumik piffissaqartinneqarnissani siunnersuutip aappassaaneerneqarnissaanut isumaliutissiissummini ataatsimiititaliap kissaatigaa. Kiisalu pingajussaaneerinninnissaq sioqqullugu suliaasaqangaatsiarnissaq ataatsimiititaliamit ilimagineqareerpoq. Naalakkersuisut siunnersuutip pingajussaaneerneqarnissaanut allannguutissatut siunnersuutaasa suliarineqarnissaannut naammattumik piffissaqarniarnissaq ajornarsinnaasoq ataatsimiititaliamit ilimagineqareerpoq.

Tullianik taama pisoqaqqinnginnissaa immikkut eqqumaffigeqqullugu Naalakkersuisut ataatsimiititaliamit kaammattorneqarput.

Immikkoortup ulloq 20. november aappassaaneerneqannginnerani ataatsimiititaliaq ulloq 18. november isumaliutissiissuteqarpoq. Ulloq 24. november 2020, unnoreersoq, Naalakkersuisut allannguutissatut siunnersuutaat atsiorsimasut ataatsimiititaliamit tiguneqarput. Ataatsimiititaliap isumaliutissiissuteqarnerata kingorna ullut pingasut qaangiunneranni oqaluuserisassat Inatsisartunit aatsaat nalinginnaasumik oqaluuserineqartaralarput. Pingajussaaneerinninnerli ullormik ataatsimik sioqqullugu ataatsimiititaliap isumaliutissiissutaa tunniunneqartussanngorlugu kingusinnerpaamik tunniussivissamik saneqqutsinissamat ataatsimiititaliaq Inatsisartut Siulittaasoqarfiannit immikkut akuerineqarpoq.

1.1 Siunnersuutip aappassaaneerera

Aningaasanut inatsisissatut siunnersuut Inatsisartunit marlungornermi ulloq 20. november 2020-imi aappassaaneerneqarpoq. Siunnersuummik aappassaaneerinninnermi siunnersuut Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunneqarpoq.

Siunnersuutip aappassaaneerneqarneranut allannguutissatut siunnersuutinik 62-inik Naalakkersuisut saqqummiussipput, taakkunannga 54-it aningaasaliissutinut allannguutissatut siunnersuutaapput 8-llu oqaasertaliussanut allannguutissatut siunnersuutaallutik. Aningaasaliissutinut allannguutissatut siunnersuutinut nr. 27 kiisalu 33-imut isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut kinguartippaa. Allannguutissatut siunnersuutit sinneri ataatsimiititaliap inassuteqareerertigut Inatsisartunit akuerineqarput. Taamatuttaaq oqaasertaliussanut allannguutissatut siunnersuutit akuerineqarput.

Aappassaaneerinninnissamat Naalakkersuisut allannguutissatut siunnersuutaasa akuerineqarnerisigut piffissap aningaasanut inatsiseqarfiusup oqimaaqatigiiffiunissaanik inatsisikkut piumasaqaat eqquutsinneqassanngimmat aappassaaneerinninnissamat isumaliutissiissummini Aningaasaqarnermut Akileraartarnermullu Ataatsimiititaliap oqaatigaa. Tamatuma

kingorna piffissaq aningaasanut inatsiseqarfiusoq 2021-2024 tamaat isigissagaanni **IS-imi amigartoorutit** tamarmiusut 180,7 mio. kr.-iussapput aammalu pingajussaaneerin-ninnissamut allannguutissatut siunnersuutissatut naatsorsuutigineqartut kingorna 165,0 mio. kr.-iussallutik.

Tassunga atatillugu isertitat aningaasartuutillu akornanni oqimaaqatigiittoqarnissaanik tun-ngavik Naalakkersuisunit aalajangiuisimaneqassasoq ataatsimiititaliamit naatsorsuutigine-qarsimavoq, taamatullu pingajussaaneerinissamut allannguutissatut siunnersuusiormi naammassineqarnissaa qularnaaqquneqarluni. Taamaattumillu ukiut tulliuttut sisamat inger-laneranni isertitat aningaasartuutillu akornanni oqimaaqatigiittoqarnissaanut aningaasa-lersuutissat amigaataasut Naalakkersuisut pingajussaaneerininnissamut allannguutissatut siunnersuutaasigut qanoq iluarsiniarneqarnersut takunissaat ataatsimiititaliamit qilanaari-neqarpoq.

Inuiaqatigiinni ingerlatat ikilinerisa nassatarisaanik aningaasarsiornerup ingerlanerlunnera aningaasanut inatsimmut nalinginnaasumik unammillernarsisarpoq. Piffissat ingerlluar-fiusut nalaanni nunatta karsiani aningaasanik ileqqaartoqanngippat aningaasanut inatsisip oqimaaqatigiiffiunissaanik siuliani piumasaqaat suliassanik amigaateqarnek akiorniarlugu suliniutinik aallartitsinissamut, taamaalillunilu aamma akileraarutitigut isertitassanut, unitsit-sisutut sunniteqassaaq. Maanna corona pillugu ajornartoorneq tamatuma qanittumut unga-sissumullu/lluunniit isigisumik inuiaqatigiit aningaasaqarnerannut kingunerisassai pillugit nalorninermik pilersitsisimasutut ataatsimiititaliamit isigineqarpoq. Taamaammat aningaa-sanut inatsisikkut aningaasartuuteqarnerunissap pinaveersaartinneqarnissaa ataatsimiititalia-mit kissaatigineqarsimavoq. Taamaalillunilu aningaasanut inatsisini ukiumoortuni oqimaaqatigiittoqarnissanik kissaatit piffissamut sivikitsumut isigisut aningaasarsiornikkut iluarsaaqqinnikkullu isiginiagassat piffissamut ungasissumut isigisut akornanni oqimaa-qatigiissaarinissaq aningaasanut inatsimmik suliaqarnermi pisariaqartarpoq.

Ungasinnerusorli isigalugu suliassaq annertunerujussuuvoq. Ajornartorsiut attassisinnaa-nermut siuariartormermullu pilersaarummi 2016-imeersumi ajunngilluinnartumik nassuiaa-tigineqarpoq. Tassani ilaatigut allassimavoq, pisortat ingerlataqarfiini isertitat aningaasar-tuutillu tamarmiusut ineriartorneri 2030-mi 1 mia. kr.-ingajannik ukiumut amigartooru-teqarnermik kinguneqarsinnaasut, suliassat annertuut ilungersunartullu aaqqiiffigineqan-gippata.

Unammilligassat aggersut aaqqiiviginissaannut aningaasanut inatsimmik ukiuni aggersuni suliaqarnek peqataaqataasinnaassasoq ataatsimiititaliamit neriuutigineqarpoq.

Aappassaaneerininnissamut isumaliutissiissummini, qup. 10-mi, ingerlatsiviit, suliffeqarfiit kattuffiilu ataatsimeeqatigisimasani ataatsimiititaliap taavia.

Assersuutigalugu Inuit Pisinnaatitaaffiit pillugit Siunnersuisoqatigiinnut aningaasaliissutit siunnersuisoqatigiit ingerlannissaannut naammangitsut ataatsimiititaliap oqaatigaa. Taamaattumillu kattuffinnut il.il. inatsisit malillugit suliassaminnik isumaginnittussanut, taakku suliassaminnik kivitsisinnaaqqullugit, naammattumik aningaasaliissuteqartarnissaq ataatsimiititaliamit kaammattuutigineqarpoq. Suliassanut taamaattunut inatsisit malillugit isumagineqartussanut aningaasanik naammattunik immikkoortitsinissaq Naalakkersuisut namminneq qulakkiigassarigaat ataatsimiititaliaq isumaqarpoq.

Tamanna aamma atuuppoq assersuutigalugu Ado Lyngep Atuarfianut, taanna suliassaminik isumaginnissinnaaqqullugu aningaasartuutitut pisariaqartunut matussutissanik qulakkeerunneqartariaqarpoq. Aningaasartuutit taamaattut ingerlatsinerup qulakkeerneqarnissaanut atugassat aningaasanut inatsimmut tunngasumik isumaqatigiissuteqarnikkut aaqqiivigineqartariaqanngikkaluarput.

ICC-mut (Inuit Circumpolar Council, Greenland) tunngasumik suliamut atatillugu ataatsimiititaliamit maluginiarneqarpoq kattuffik, aningaasanut inatsit aqutugalugu aningaasanik pissarsisartoq, Kalaallit Nunaanni aaqquissuussinermik annertuumik ingerlatsilersoq. Tapiiffigineqarnissamik qinnuteqarsinnaanermut, taamaalillunilu Kalaallit Nunaata avammut kiinnerneranut peqataaqataasinnaasumut, ammaffiginequllugit Naalakkersuisut ataatsimiititaliamit kaammattorneqarput.

Kiisalu pisortat taarsigassarsiarititaannik aqutsinerup paasilertorneqarsinnaanerunissaa pisariaqartinneqartoq Kukkunersuinerumut Ataatsimiititaliap isumaliutissiissutaanit ataatsimiititaliamit maluginiarneqarpoq.

Pisortat taarsigassarsiarititaat, Namminersorlutik Oqartussanit kommuninillu taarsigassarsiaritinneqartut, aaqquissuussivigineqartariaqarput qaqugukkut akilersorneqalernissaat, erniaat aammalu piffissaq sioqqullugu akilerneqarnerat paasilertorneqarsinnaaqqullugu.

Tamanna tunngavigalugu aningaasanut inatsisissatut siunnersuutip Inatsisartunit pingajussaaneerneqarnissaanut Aningaasaqarnermut Akileraartarnermullu Ataatsimiititaliaq matumuuna ilassutitut isumaliutissiissuteqarpoq.

1.2 Aappassaaneerinninnissamut allannguutissatut siunnersuutit

Naalakkersuisut aningaasanut inatsisissatut siunnersuutip aappassaaneerneqarnissaanut allannguutissatut siunnersuutinik 62-inik saqqummiussipput. Taakkunannga 54-it aningaasaliissutitut allannguutissatut siunnersuutaapput 8-llu oqaasertaliussanut allannguutissatut siunnersuutaallutik. Ataatsimiititaliap inassuteqarneratigut aqaasertaliussanut allannguutissatut siunnersuutit tamarmik akuersissutigineqarput. Tamatuma peqatigisaanik aningaasaliissutitut allannguutissatut siunnersuutinut marlunnut sammisanut ukununnga immikkoortinneqarsimasunut isummernissani ataatsimiititaliap kinguartippaa:

Sammissaq 2 – Missingersuutitut sunniuteqanngitsumik allannguutit

Qulequttami “missingersuutitut sunniuteqanngitsumik allannguutit”-ni aningaasaliissutitut allannguutissatut siunnersuutitut 17-inik Naalakkersuisut saqqummiussipput. Allannguutissatut siunnersuutit taakku 26-imit 42-mut normoqarput. Allannguutissatut siunnersuutit nr. 26, 28-imit 32-mut kiisalu 34-imit 42-mut aappassaaneerinninnermi akuersissutigineqarput.

Tamatuma kingorna Sammissaq 2-p ataani allannguutissatut siunnersuutit nr. 27 aamma 33 **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaaat**.

1.3 Pingajussaaneerinninnissamut allannguutissatut siunnersuutit

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinit isumaqatigiinniarnertit tunngavigalugit Naalakkersuisut allannguutissatut siunnersuutitut 110-inik ulloq 24. november 2020-imi saqqummiussipput. Taakkunanga 82-it aningaasaliissutitut allannguutissatut siunnersuutaapput, tak. ilanngus-saq O, 28-illu oqaasertaliussanut allannguutissatut siunnersuutaallutik, tak. ilanngus-saq P.

Isummernissamut tunngavissiami matumani siunnersuutigineqartut aammalu ilanngus-saq 1-imi nalunaarneqartut akuerineqassappata AIS2021-p aappassaaneerineqarnerani pingajussa-aneerineqarneranilu IST-mut aammalu IS-imut sunniutissat takussutissiami matuma kingu-lianiittumi takutinneqarput.

Aningaasat mio. kr.-ngorlugit	2021	2022	2023	2024
AIS2021-mi IST-p inernera	173,0	7,4	-39,0	-6,9
AIS2021-mi IS-ip inernera	183,2	17,6	-28,8	3,3
Aappassaanerinnissamut allannguutissatut siunnersuutit IST-mut sunniutaat	-2,6	-4,1	0,9	-4,1
Aappassaanerinnermi IST-p inernera	170,5	3,3	-38,0	-11,0
Aappassaanerinnermi IS-ip inernera	180,7	13,3	-28,0	-1,0
Pingajussaanerinnissamut allannguutissatut siunnersuutit IST-mut sunniutaat	-104,5	-28,2	-28,4	-29,8
Pingajussaaneerinnermi IST-p inernera	66,0	-24,9	-66,4	-40,8
Pingajussaaneerinnermi IS-ip inernera	76,2	-14,9	-56,4	-30,8

Tabelimi siulianiittumi takuneqarsinnaavoq aappassaanerinnissamut pingajussaanerinnissamullu allannguutissatut siunnersuutit malillugit AIS2021-mi 2021-mi IS-imi angusani amigartoorutit 76,2 mio. kr.-ussasut allannguutissatut siunnersuutit saqqummiunneqarnermittut

akuerineqarpata. Piffissami 2021-2024-mi tamarmi IS-imi sinneqartoorutit tamarmiusut 26,0 mio. kr.-ussapput.

2. Aningaasaqarnermut Akileraartarnermullu Ataatsimiititaliap apeqputai/oqaaseqaatai aalajangersimasut – suliassa qarfinnut agguataarlugit

Allannguutissatut siunnersuutit pillugit ataatsimiititaliaq ulloq 25. november Aningaasaqarnermut Naalakkersuisumut arlalinnik apeqquteqarpoq qinnutigalugulu apeqqutit ataatsimiinnermi Naalakkersuisumit akineqassasut. Ilanngussaq R innersuussutigineqarpoq.

3. Aningaasaliissutitut allannguutissatut siunnersuutit

Siusinnerusukkut taaneqareersutut Naalakkersuisut aningaasaliissutitut allannguutissatut siunnersuutit nutaanik 82-inik aammalu oqaasertaliussanut allannguutissatut siunnersuutit 28-inik saqqummiussipput. Taamaalillunilu pingajussaaneerinninnissamut allannguutissatut siunnersuutit katillutik 110-iupput. Sammisaaq 8 - 16-imut agguataarlugit konto pingaarnut sammisat qulingiluaasut allannguutissatut siunnersuutit ilanngussaq 1-imi takuneqarsinnaavoq. Sammisat ataasiakkaat imarisaat pingaarnit matuma kinguliani naatumik allaaserineqarput.

Aningaasaliissutitut takussutissiaq Naalakkersuisut allannguutissatut siunnersuutaannut saarlinnigorlugu ilanngunneqarpoq, taannalu ilassutitut isumaliutissiissumut ilanngussaq O-tut ilanngunneqarpoq.

Pingajussaaneerinninnissamut aningaasaliissutitut allannguutissatut siunnersuutit sammisanut ukununga immikkoortinneqarsimapput:

sammisaaq 8: Teknikikkut allannguutit, pingajussaaneerinninneq: allannguutissatut siunnersuutit 9-t

sammisaaq 9: Pingajussaaneerinninnissamut missingersuutit sunniuteqanngitsumik allannguutit: allannguutissatut siunnersuutit 8-t

sammisaaq 10: Isertitassanut missingiutit nutaat inatsisillu piumasaqaataat naapertorlugit aningasartuutit missingiutit nutaat, pingajussaaneerinninneq: allannguutissatut siunnersuutit 12-it

sammisaaq 11: Ilaasunik angallassinermi kiffartuussinissamik isumaqatigiissutit: allannguutissatut siunnersuutit 2-t

sammisaaq 12: Erninnermut atatillugu aningaasaateqarfik: allannguutissatut siunnersuutit 5-it

sammisaaq 13: Aningaasartuutaanerusut, pingajussaaneerinninneq: allannguutissatut siunnersuutit 5-it

sammisaaq 14: Oqartussaaffinnik allannguineq, pingajussaaneerinninneq: allannguutissatut siunnersuutit 17-it

sammisaaq 15: Kontu pingaarnep 20.11.51-ip, Aaqqissusseqqinnerit sunniutaannut tunngasup atuutsinneqalernera: allannguutissatut siunnersuutit 4-t.

sammisaq 16: Aningaasanut inatsit pillugu isumaqatigiissut: allannguutissatut siunnersuutit 19-it.

3.1. Sammisaq 8 – Teknikkikut allannguutit, pingajussaaneerinninneq

Qulequttami tassani allannguutissatut siunnersuutit 9-nik Naalackersuisut saqqummiussippat. Allannguutissatut siunnersuutit taakku ukiumi aningaasanut inatsiseqarfiusumi 2021-mi ukiunilu missingersuusiorfiusuni IST-mut sunniuteqassanngillat.

Sammissami pineqarput missingersuutit ilanngussani oqaasertat ingerlatanullu tabelit il.il. nutarternerat. Sammissap ataani aningaasaliissutit allannguutissatut siunnersuutit saqqummiussisoqanngilaq. Allannguutissatut siunnersuutit ilaatigut kingunerissavaat kontut pingaarnert 50.01.17-ip, Aalisarnej pillugu EU-mik isumaqatigiissummut tunngasoq aammalu 51.02.02, Aalisarsinnaatitaassutit tunisinermut tunngasoq ima nutarterniarnejarmata Kalaallit Nunaata EU-llu akornanni 2021-mi aalisarnej pillugu isumaqatigiissut nutaaq pillugu isumaqatigiinniarnert ingerlatiinnarnejassallutik. Taamaattumillu 2021-mut aningaasaliissutit taakkunani isertitassatut missingikkat pineqarlutik.

Allannguutissatut siunnersuutit ataasiakkaanut Aningaasaqarnermut Ataatsimiititaliaq ilassutit oqaaseqaatissaqanngilaq.

Sammisaq 8-p ataani allannguutissatut siunnersuutit nr. 63-imit 71-imut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaat**.

3.2. Sammisaq 9 – Pingajussaaneerinninnissamut missingersuutit sunniuteqanngitsumik allannguutit

Qulequttami tassani allannguutissatut siunnersuutit 8-inik Naalackersuisut saqqummiussippat. Taakku IST-p inerneranut 2021-mi 2022-milu 0,6 mio. kr.-inik pitsanngoriaataassappu kiisalu 2023-mi 2024-milu missingersuutit sunniuteqassanatik.

Sammissap ataani saqqummiunneqarput missingersuutit sunniuteqanngitsumik aningaasaliissutit nuussinissamut allannguutissatut siunnersuutit, ilaatigut tassani ilaallutik konto pingaarnert 73.07.05-imit, Majoriamut tunngasumit konto pingaarnert 73.07.02-mut, Piginnaasanik ineriartortitsiviusumik pikkorissarnert tunngasumut 2,0 mio. kr.-inik nuusseq, tamatumani naalackersuinikkut tamatumunnga kissaatit tunngavigalugit aningaasat pikkorissartitsinermi suliniutinut aalajangersimasunut atorneqassallutik.

Aammattaaq konto pingaarnert 24.11.23-mi, Nukissiornermi ikummatissat avatangiisinut akitsuutaanut tunngasumi isertitassatut missingikkat ineriartornivik tunngavigalugu ukiu-moortumik 1,0 mio. -inik ilaneqarnissaat qinnutigineqarpoq. Tamanna tunngavigalugu konto pingaarnert 77.05.08-mi, Avatangiisinut Aningaasaateqarfimmut tunngasumi aningaasa-

liissutit taamaaqataanik 1,0 mio. kr.-nik amerlineqarnissaat qinnutigineqarpoq, tamannalu Avatangiisinut Aningaasaateqarfik pillugu Inatsisartut inatsisaannut nr. 9. 27. november 2018-imeersumut naapertuuppoq, taanna malillugu Avatangiisinut Aningaasaateqarfik konto pingaarnerup 24.11.23-p ataani isertitanit iluanaarutissatut missingerneqartut amerlaqa-taannik aningaasaliiffigineqassalluni.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 9-p ataani allannguutissatut siunnersuutit nr. 72-imit 79-imut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaaat**.

3.3. Sammissaq 10 – Isertitassatut missingikkat nutaat aammalu inatsisitigut pisuusaafigalugit aningaasartuutissatut missingikkat nutaat, pingajussaaneerinnineq

Qulequttami tassani allannguutissatut siunnersuutininik 12-inik Naalakkersuisut saqqummiussipput. Taakku IST-p inerneranut 2021-mi 72,8 mio. kr.-inik, 2022-mi 9,8 mio. kr.-inik, 2023-mi 7,5 mio. kr.-inik kiisalu 2024-mi 7,3 mio. kr.-inik pitsanngoriaataassapput.

Sammissap ataani allannguutissatut siunnersuut aqqaneqmarluk saqqummiunneqarput, taakku aningaasanut inatsiseqarfiusumi 2021-2024-mi tamarmiusumi missingersuutit katillugit 97,4 mio. kr.-nik pitsanngoriaateqarnerannik nassataqassallutik. Missingersuutit pitsanngoriaataat ukiumi aningaasanut inatsiseqarfiusumi 2021-mi amerlanerpaapput 69,8 mio. kr.-ullutik.

Missingersuutininut pitsanngoriaatissanut siuliani taaneqartunut tunngavigineqarpoq akileraarutinit akitsuutinillu tamarmiusunit isertitassatut missingikkat qaffanneqarnerat, tamatumani pingaartumik konto pingaarnermi 24.10.10-mi, Nuna tamakkerlugu akileraarummut tunngasumi isertitassatut missingikkat 2021-mi 79 mio. kr.-nik, 2022-mi 22 mio. kr.-nik qaffanneqarlutik aammalu 2023-mit ukiumoortumik 5 mio. kr.-nik appartinneqarlutik. Nuna tamakkerlugu akileraarummit isertitassatut missingikkat qaffanneqarnerannut pissutaavoq 2020-p ingerlanerani isertitat naatsorsuutigeqqaakkamit pitsaanerunerat. Isertitat COVID-19-imit sunnerneqarpassinngillat. Taamaattumik pingaartumik 2021-mi isertitassatut missingikkat qaffanneqarsinnaapput. Aammattaaq ilaatigut konto pingaarnermut 24.11.10-mut, Nioqqutissanik eqqussuinermi akitsuutininut tunngasumi aammalu 24.11.14-imi, Naqissusiinermut akitsuutininut tunngasumi aningaasaliissutini isertitassatut missingikkat annikinnerusumik annertusineqarnissaat qinnutigineqarpoq.

Aalisarnermi pisuusutinit iluanaarutininut akileraarummit isertitassatut aningaasaliissutit eqqarsaatigalugit ineriartorneq allaaneruvoq. Kontomi pingaarnermi 24.11.12-imi, Raajanut akitsuummumut tunngasumi isertitassatut missingikkat 2021-mi 33,7 mio. kr.-nik aammalu 2022-mi 26,2 mio. kr.-nik ikilineqarput. Raajanut akitsuutinit isertitassat akit appasinernerunerat tunngavigalugu appartinneqarput.

Kontumi pingaarnermi 24.11.25-mut, Qaleralinnut akitsuummumut tunngasumi isertitassatut missingikkat piffissami 2021-2023-mi ukiumoortumik agguaqatigiissillugu 4,2 mio. kr.-nik amerlineqarnissaat qinnutigineqarpoq. Qaleralinnut akitsuutinit isertitassat akit annikin-nerusumik qaffariarnissaat kiisalu angallatit avataasiortut pisassaattut naatsorsuutigisat qaffariarnerat tunngavigalugit annertusineqarput.

Kontumut pingaarnermut 24.11.26-mut, Aalisakkanut ikerinnarsiortunut akitsuummumut tunngasumut atatillugu isertitassatut missingikkat piffissami 2021-2023-mi ukiumoortumik agguaqatigiissillugu 7,7 mio. kr.-nik annikillisinneqarnissaat qinnutigineqarpoq. Aalisakkanut ikerinnarsiortunut akitsuutinit isertitassatut naatsorsuutigisat annikillisinneqarput avaleraasartoortassat annikinnissaat naatsorsuutigineqarmat, tamatumalu saniatigut aalisakkanut arlalinnut allanut atatillugu isertitassatut missingikkat iluarsineqarlutik.

Pingajussaaneerinninnissamut Naalakkersuisut allannguutissatut siunnersuutaannut ataatsimiititaliaq nukinginnartunik arlalinnik apeqquteqarpoq. Ilanngussaq Q aamma R inner-suussutigineqarput.

Akileraarutitigut isertitassat ilaat amigartoorutit ikilinerannik nassataqartumik qaffatsinneqarsinnaasimasut ataatsimiititaliap iluarisimaarlugu maluginiarpaa. Nunattali Karsiata inissisimanagera sulii eqqumaffigissallugu pisariaqartoq ataatsimiititaliaq isumaqarpoq.

Allannguutissatut siunnersuutinit ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 10-p ataani allannguutissatut siunnersuutit nr. 80-imit 91-imut **akuerineqas-sassut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaa**t.

3.4 Sammissaq 11 – Ilaasunik angallassinermi kiffartuussinissamik isumaqatigiissutit

Qulequttami tassani allannguutissatut siunnersuutinit 14-inik Naalakkersuisut saqqummiussippit. Taakku IST-p inerneranut 2021-mi 25,779 mio. kr.-inik, 2022-mi 8,2 mio. kr.-inik, 2023-mi 7,8 mio. kr.-inik kiisalu 2024-mi 7,7 mio. kr.-inik pitsanngoriaataassapput.

Sammissap ataani kontup pingaarnerp 20.11.70-ip, Suliniutinit nutaanut sillimmatinit tunngasup aammalu 72.20.05-ip, Ilaasunik angallassinermut tapiissutinit tunngasup allanngortinneqarnissaannut siunnersuutinit saqqummiussisoqarpoq, taakku ilaasunik angallassineq pillugu kiffartuussinissamik isumaqatigiissutit nutaat Aningaasaqarnermut Akileraarnermullu Ataatsimiititaliamit akuerineqarnerannik tunngaveqarput, ilassutitut tapiissutitut suliaq nr. 20-905. Konto pingaarnermi 20.11.70, Suliniutinit nutaanut sillimmatinit tunngasumit kiffartuussinissamik isumaqatigiissutinit nutaanut aningaasalersuutissat timitalerneqarnerisa kingunerisaanik piffissami aningaasanut inatsiseqarfiusumi 2021-2024-mi tamarmiusumi missingersuutit 49,4 mio. kr.-nik pitsanngoriaateqassapput.

Siuliani allassimasut tunngavigalugit piffissamut 2021-2030-mut ilaasunik angallassinisamut, allakkerinermut assartuinernullu kiffartuussinissamut 2020-mi novembarimi isumaqatigiissuteqartoqarpoq 1. januar aammalu 1. juli 2021-mi atuutilersussanik. Isumaqatigiissutit Air Greenlandimik, Disko Line A/S-imik aammalu Norlandairimik isumaqatigiissutigineqarput, tamatumani piffissami isumaqatigiissuteqarfiusumi siuliani isumaqatigiissutaasumut tunngaviusut aallaavigineqarlutik. Taamaattorli assigiinngissut annertoq tasaa voq Qeqertarsuup Tunuani, Nunatta Qeqqani Nunattalu Kujataani qulimiguulimmik angallassineq Disko Line A/S-imit Air Greenland A/S-imut tunniunneqarmat. Kiffartuussinissamik isumaqatigiissut ukiuni tallimani atuuttusaaq malillugu ingerlatseqatigiiffiup ingerlataasa nuunneqarnissaat pillugu Arctic Umiaq Line 2020-mi isumaqatigiissuteqarfigineqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 11-p ataani allannguutissatut siunnersuutit nr. 92-imit 93-imut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaaat**.

3.5 Sammissaq 12 – Erninermut atatillugu aningaasaateqarfik

Qulequttami tassani allannguutissatut siunnersuutit 5-inik Naalakkersuisut saqqummiussippot. Taakku IST-p inerneranut 2021-mi 2,025 mio. kr.-inik aammalu ukiuni missingersuusiortfinni ukiumut 0,7 mio. kr.-inik pitsanngoriaataassappot.

Sammissaq ataani naartunermut, erninermut meeravissiatarnermullu atatillugu sulingiffeqarneq pillugu inatsisissatut siunnersuutit akuerineqarnerata kiisalu sulisoqarnermut akitsuut pillugu Inatsisartut inatsisaata allanngortinneqarnissaa pillugu inatsisissatut siunnersuutit akuerineqarnerata kingunerisaannik allannguutissatut siunnersuutit arlallit saqqummiunneqarput. Inatsisissatut siunnersuutit ukiaq manna ataatsimiinnermi imm. 183 aamma 17-itut saqqummiunneqarput. Taanna akuerineqarpat tamatuma nassatarissavaa anaanaasup erninissaq sioqqullugu sulingiffeqarnera sapaatit akunnerinit marlunnit sisananut sivitsorneqassamat aammalu erninermut atatillugu aningaasaateqarfimmik 1. juli 2021-mit atuutilersussamik pilersitsisoqassamat. Konto pingaarnermik 30.10.35-mik, Erninermut atatillugu aningaasaateqarfimmut tunngasumik nutaamik 2021-mi ukiumoortumik 20,3 mio. kr.-inik aammalu 2022-mit 40,6 mio. kr.-inik aningaasaliissutitalimmik pilersitsinissaq pillugu allannguutissatut siunnersuummik saqqummiussisoqarpoq. Aningaasaateqarfik nunatta karsianit aningaasanit aammalu sulisoqarnermut akitsuummik akileeqqusissutinit aningaasalersorneqassaaq, taakku aningaasaateqarfik pilersinneqarpat aningaasaateqarfimmut nuunneqassallutik. Nunatta karsianit aningaasaateqarfimmut aningaasaliissutit erninermut atatillugu ullormusiat amerlaqatigissavaat, taakku erninermut atatillugu

aningaasaateqarfiup pilersinneqarnissaa sioqqullugu sulisartunut immikkoortinneqartar-simallutik.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 12-ip ataani allannguutissatut siunnersuutit nr. 94-imit 98-imut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaat**.

3.6 Sammissaq 13 – Aningaasartuutaanerusut, pingajussaaneerinnineq

Qulequttami tassani allannguutissatut siunnersuutit 12-inik Naalakkersuisut saqqummius-sipput. Taakku IST-p inerneranut 2021-mi 3,6 mio. kr.-inik, 2022-mi 4,5 mio. kr.-inik, 2023-mi 5,5 mio. kr.-inik kiisalu 2024-mi 7,5 mio. kr.-inik ajorseriaataassapput.

Sammissap ataani kontumik pingaarnermik 27.01.13-imik, Kalaallit Nunaata Beijingimi Aallartitaqarfianut tunngasumik 2021-mi 1,8 mio. kr.-nik aammalu 2022-mi 2,5 mio. kr.-nik aningaasaliissutitalimmik pilersitsinissaq pillugu allannguutissatut siunnersuummik saqqummiussisoqarpoq. Beijingimi aallartitaqarfimmik ammaanissaq pillugu aalajangerneq UKA2020/201-ip oqaluuserineqarnerani aalajangiiffigisassatut siunnersuutip oqaluuserine-qarnerani Inatsisartunit aalajangerneqarpoq.

Internetikkut isumannaassuseq Center for Cypersikkerhed pillugu inatsisip kunngip peqqus-sutaatigut Kalaallit Nunaannut atuutsinneqalernissaa pillugu Inatsisartut aalajangigassaattut siunnersuut Inatsisartunit UKA2020/194-ikkut akuerineqarpoq. Inatsisissatut siunnersuutip akuerineqarneratigut konto pingaarnep 40.98.01-ip, Digitaliseerinerneq Aqutsisoqarfim-mut tunngasup ataani 2021-2024-mi ukiumoortumik 1, 2, 3 aamma 5 mio. kr.-t immik-koortinneqarput. Immikkoortoqarfiup suliassarissavaa cyberikkut paasissutissiisarnikkullu isumannaassutsimik unioqquutisisinnaanerit pitsaaliorneqarnissaat sulissutigineqarnissaallu, tassungalu ilanngullugu cyberikkut paasissutissiisarnikkullu isumannaatsuunissaq pillugu najoqqutassianik malitassanillu suliaqarnikkut innuttaasunut, pisortat oqartussaasuinut namminersorlutillu inuussutissarsiornermik ingerlatsisunut paasissutissanik ilinniartitsissu-tissanillu suliaqarnissaq.

Kontomi pingaarnermi 50.01.01-imi, Aalisarnermut, Piniarnermut Nunalerinermullu Naa-lakkersuisoqarfimmut tunngasumi Kalaallit Nunaanni Aalisarsinnaanermut Nakkutilliiso-qarfiup pilertortumik naliliiffigineqarnissaanut 2021-mi 0,5 mio. kr.-nik immikkoor-tissisoqarpoq. Naliliineq Aalisarneq pillugu Ataatsimiititaliarsuarmit isumaqatigiittumik kaammattuut tunngavigalugu ingerlanneqassaaq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 13-ip ataani allannguutissatut siunnersuutit nr. 99-imit 103-mut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaaat**.

3.7 Sammissaq 14 – oqartussaaffinnik allanngueq, pingajussaaneerinnineq

Qulequttami tassani allannguutissatut siunnersuutininik 17-inik Naalakkersuisut saqqummiussipput. Allannguutissatut siunnersuutit taakku aningaasanut inatsiseqarfimmi 2021-mi ukiumuni missingersuusiorfinni IST-mut sunniuteqassanngillat.

Oqartussaaffiit allanngorneqarnerat tunngavigalugu sammisami matumani missingersuutininut sunniuteqanngitsunik allannguutissatut siunnersuutininik arlalinnik saqqummiussisoqarpoq. Tamatuma nassatarisaanik kulbrintimut tunngasunut aningaasaliissutit AIS2021-mit ingerlatanut suliaasaqarfimmit 27-mit 66-67-mut nuunneqassapput. Aammattaaq aningaasalersuinikkut inatsiseqarnermut akisussaaffik konto pingaarnemit 64.01.01-imit, Inuussutisarsiornermut Suliffeqarnermullu Naalakkersuisoqarfimmut tunngasumit konto pingaarnemit 20.01.01-imut, Aningaasaqarnermut Naalakkersuisoqarfimmut tunngasumut nuunneqassaaq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 14-ip ataani allannguutissatut siunnersuutit nr. 104-mit 121-mut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaaat**.

3.8 Sammissaq 15 – Kontu pingaarnep 20.11.51-ip, Aaqqissuusseqqinnerit sunniutaannut tunngasup atuutsinneqalernera

Qulequttami tassani allannguutissatut siunnersuutininik 4-nik Naalakkersuisut saqqummiussipput. Taakku piffissami aningaasanut inatsiseqarfiusumi 2021 – 2024-mi IST-p inerneranut ukiumut 26,1 mio. kr.-inik pitsanngoriaataassapput.

Sammissaq ataani ingerlatseqatigiiffinnut akileraarutip apparnerata aningaasalersorneqarneranut aningaasat konto pingaarnemit 20.11.51-imit, Aaqqissuusseqqinnerit sunniutaannut tunngasumit timitalerneqarnissaat qinnutigineqarpoq. AI2020-mit ingerlatseqatigiiffinnut akileraarut ukiumit isertitaqarfiusumit 2020-mit atuuttussatut 30-mit 25 %-inut appartineqarpoq. Ukiumi isertitaqarfiusumi 2020-mi ingerlatseqatigiiffinnut akileraarut ukiumi akileraarutit inaarfianni 2021-mi akiligassanngussaaq. Aningaasat atugassanngortinnerisa nassatarisaanik konto pingaarnemi 24.10.10, Nuna tamakkerlugu akileraarummut tunngasumi, 20.10.11-mi, Nuna tamakkerlugu immikkut akileraarummut tunngasumi aammalu 24.10.12-imi, Ingerlatseqatigiiffiit akileraarutaannut tunngasumi, Namminersorlutik

Oqartussat suliffeqarfiutaanni isertitassatut missingikkat 7,9 mio. kr., 6,3 mio. kr. aamma 13,7 mio. kr.-nik appartinneqarput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 15-ip ataani allannguutissatut siunnersuutit nr. 122-mit 125-mut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaa**t.

3.9 Sammissaq 16 – Aningaasanut inatsit pillugu isumaqatigiissut

Qulequttami tassani allannguutissatut siunnersuutininik 19-inik Naalackersuisut saqqummiussippot. Taakku IST-p inerneranut 2021-mi 19,2 mio. kr.-inik, 2022-mi 11,5 mio. kr.-inik, 2023-mi 8,2 mio. kr.-inik kiisalu 2024-mi 4,5 mio. kr.-inik ajorseriaataassapput.

Sammissap ataani naalackersuisooqatigiit aningaasanut inatsit pillugu isumaqatigiissutaata kingunerisaanik allannguutissatut siunnersuutininik saqqummiussisoqarpoq. Allannguutissatut siunnersuutit ataasiakkaat imarisaat ilanngussaq 3-mi – 2021-mi aningaasanut inatsit pillugu isumaqatigiissummi erseqqinnerusumik allaaserineqarput. Matuma kinguliani allassimasuni takuneqarsinnaavoq piffissami aningaasanut inatsimmik isumaqatigiissuteqarfiusumi 2021-2024-mi missingersuutit 43,4 mio. kr.-nik ajorseriarneranik aningaasanut inatsit pillugu isumaqatigiissut nassataqassasoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 16-ip ataani allannguutissatut siunnersuutit nr. 126-mit 144-mut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaa**t.

4. Oqaasertaliussanut allannguutissatut siunnersuutit

4.1. Naalackersuisut oqaasertaliussanut allannguutissatut siunnersuutaat

Ilanngussaq 2 naapertorlugu oqaasertaliussanut allannguutissatut siunnersuutininik katillugit 28-nik saqqummiussisoqarpoq. Allannguutissatut siunnersuutit taakku 145-mit 172-imut normoqarput. *Ilanngussaq 2*-mut attuumassuteqarput. Taakku isumaliutissiisummi **ilanngussaq P**-tut ilanngunneqarput.

Oqaasertaliussanut allannguutissatut siunnersuutit 28-t saqqummiunneqarput. Allannguutissatut siunnersuutit ilaat taakku oqartussaaffiit allanngorneqarnerannik siusinnerusukkut

oqaatigineqartunik pissuteqarput, taakku nassatarisaannik aningaasaliissutitut ataasiakkaanut oqaasertaliussat nuunneqarnissaat pisariaqartinneqarluni. Sammisap ataani allannguutissatut siunnersuutit pingaarnert matuma kinguliani nassuiaatigineqassapput.

Tamatumani ilaatigut ilaavoq Suliassaqaarfik 20 – 24-mut, Aningaasaqarnermut Naalakkersuisoqarfimmut kiisalu Akileraartarnermut Aqutsisoqarfimmut atasumut oqaasertaliussap ilanngunneqarnissaa qinnutigineqarmat, taanna malillugu Namminersorlutik Oqartussat akiligassaannik 300,00 kr.-nik taakkuluunniit ataallugit amerlassusilinnik, tassunga ilanngullugu ernianik, akitsuutunik aningaasartuutinillu allanik tamanik isumakkeerinissamut Naalakkersuisut piginnaatinneqassallutik. 2020-mi oqaasertaliussaq ilassutitut aningaasaliissutitigut, ilassutitut aningaasaliissutitut suliaq nr. 20-900, aqqutigalugu akuerineqarpoq.

2020-mi ilassutitut aningaasaliissutit aqqutigalugit konto pingaarnermik nutaamik pilersitsisoqarpoq, 34.01.05, coronavirusi pissutigalugu immikkut ittumik suliniutinut tunngasoq, tamatumani corona pissutigalugu peqqinnissaqarfimmi aningaasartuutit timmisartuussisariaqarnernullu il.il. aningaasartuutit akilerneqarlutik. Konto pingaarneq aamma AIS2021-mut ilanngunneqarpoq, pingajussaaneernissamili matumani kontumut nutaamut 20.10.34-mut taaguutaa allannortinnagu nuunniarneqarluni. Taamaalilluni coronamut atatillugu aningaasartuutit tamarmik 2021-mi suliaassaqaarfik 20-24-mi Aningaasaqarnermut tunngasumi ataatsimoortinneqassapput. Aammattaq konto pingaarnermut 20.10.34-mut oqaasertaliussap nutaap ilanngunneqarnissaa qinnutigineqarpoq, taanna malillugu namminersorlutik inuusutissarsiuutinik ingerlataqartunut il.il. immikkut ikiorsiissutunik aallartitsinissamut Naalakkersuisut Aningaasaqarnermut Akileraartarnermullu Ataatsimiititaliamit akuerineqarlutik piginnaatinneqassallutik. Taamaaliornikkut ukioq manna soorlu 2021-mi ikiorsiissutunik aallartitsinissamut suli periarfissaqassaaq. Tamatumani nunatta karsiata aningaasaliisinaassusianut tunngavissat soorunami malinneqassallutik.

Siunertanut kontumut 24.10-mut, Toqqaannartumik akileraarutitut tunngasumut atatillugu oqaasertaliussap ilanngunneqarnissaa qinnutigineqarpoq, taanna malillugu suliffeqarfiit nunani allani illersornissamut oqartussaasut isumaqatigiissuteqarfigalugit kommunit agguataarneqarnerisa avataatigut suliaassanik ingerlatsisinnaanissaat qulakkeerneqassalluni, tamatumani suliffeqarfiit Kalaallit Nunaanni aktiaatileqatigiiffittut piginneqatigiilluniluunniit ingerlatseqatigiiffittut nalunaarsorneqarsimanissaat aammalu aqutsisuisa Kalaallit Nunaanni nalunaarsorneqarsimasutut inissisimanissaat nakkutigineqassalluni. Oqaasertaliussap siunertaraa ingerlatat taassanit sinneqartoorutit, iluanaarutit isertitanillu akileraarutit akileraarusorneqarnissaannut Kalaallit Nunaata piginnaatitaaffiata illersorneqarnissaa.

Kontup pingaarnerp 24.11.10-p, Nioqqutissanik eqquusuinermit akitsuutitut tunngasup ataani oqaasertaliussap ilanngunneqarnissaa qinnutigineqarpoq, taanna malillugu qamutit innaallagiaannarmik brintimilluunniit atortut kiisalu plug-in-hybridimik ingerlatillit aammalu immeqqinneqarsinnaasunik batterinik atortullit eqqunneqarnerini akitsuuteqartitsinginnissap 2021-mut sivitsorneqarnissaa qulakkeerneqassalluni. Oqaasertaliussaq akuerineqanngippat qamutit taaneqartut maleruaqqusat qamutitut motoorilinnut ikummatissanik

atuisunut atuuttut assingi ulloq 1. januar 2021-mit eqqussuinnermut akitsuuteqartinneqalisapput.

Oqaasertaliussanut allannguutissatut siunnersuutit nr. 145-imit 172-imut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaaat.**

5. Aningaasaqarnermut Ataatsimiititaliap inassuteqaatai

Sammissaq 2-p ataani allannguutissatut siunnersuutit nr. 27 aamma 33 **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 8-p ataani allannguutissatut siunnersuutit nr. 63-imit 71-imut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 9-p ataani allannguutissatut siunnersuutit nr. 72-imit 79-imut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 10-p ataani allannguutissatut siunnersuutit nr. 80-imit 91-imut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 11-p ataani allannguutissatut siunnersuutit nr. 92-imit 93-imut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 12-ip ataani allannguutissatut siunnersuutit nr. 94-imit 98-imut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 13-ip ataani allannguutissatut siunnersuutit nr. 99-imit 103-mut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 14-ip ataani allannguutissatut siunnersuutit nr. 104-mit 121-mut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammissaq 15-ip ataani allannguutissatut siunnersuutit nr. 122-mit 125-mut **akuerineqassasut** ataatsimiititaliami amerlanerussuteqartut Siumut, Demokratit Nunatta Qitornaatalu **inassutigaaat.**

Sammisaq 16-ip ataani allannguutissatut siunnersuutit nr. 126-mit 144-mut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaa**t.

Oqaasertaliussanut allannguutissatut siunnersuutit nr. 145-imit 172-imut **akuerineqassasut** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaa**t.

Allannguutissatut siunnersuutit pingajussaaneerinninnissamut saqqummiunneqartut Inatsisartunit taasissutigineqareerneranni inatsisissatut siunnersuut tamarmiisoq iluserilikkamisut iluseqartoq **akuerineqassasoq** ataatsimiititaliami amerlanerussuteqartut Siumut, Demokraatit Nunatta Qitornaatalu **inassutigaa**t.

Ataatsimiititaliami ikinnerussuteqartut Inuit Ataqatigiit ilaasortaataataat ikinnerussuteqarlutik ima oqaaseqarumapput:

“Inuit Ataqatigiit Aningaasanut Inatsit 2021-mut itigartippaat. Inuit ulluinannarni atugaannik kivitsinissamik naligiinnginnerullu annertusiartuinnartup aaqqiiviginissaanik siunertaqanngimmat. Itigartitsinitsinnut tunngavilersuutigut, pingajussaaneerinninnermi oqaaseqaatitsinniittut innersuuppagut.

Tamanna tunngavigalugu ikinnerussuteqartut inassutigaa t siunnersuut taama iluseqartoq itigartinneqassasoq.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.




Hermann Berthelsen



Peter Olsen



Malene V. Rasmussen




Mala Høy Kúko



Múte Bourup Egede



Aleqa Hammond



Jens Napaattooq